



СЫДАЫСЧЫГАШ

№ 11 Март 2008
(2875) вторник чыл

1945 чылдың март 1-де үндезилеттинген.
1990 чылдың февраль 1-де катап тургустунган.

Хүннүн үнөрү: 6.42; ажары: 18.33
Хүн дургунун узуну: 11.51.
Айык үнөрү: 5.37
Ажары: 14.41.

Солун вторник санында үнөр.
Садар өртээ дугуржулга езугаар.

СЫДАЫСЧЫГАШТЫҢ МЕДЭЭЛЕРИ ТИИЛЕКЧИПЕР ИПЕРЭЭН

Чаңчыл болган “Келир үеже базым” XII республиканың өртем-практиктиг конференциясы чоокта чаа болуп эрткен. Киржир күзелин 266 кижилереткен болза, оларның чүгө 179-зун дыңнаан. Конференция 16 секцияга эрткен: математика, физика, информатика, экология, химия, тыва дыл, география, биология, тыва аас чогаал болгаш литература, чер-чурт шинчилээри болгаш англи дыл, литература, литературлуг чогаалдыг болгаш орус дыл, политология, ниитилел эртеми, социология, төөгү, этнология, культуроведение, экономика, медицина болгаш валеология. Киржикчилерни дүвүредип турар айтырыглар: амгы үеде шеригде байдал, назы четпээннерниң ажылга тургустунары, өг-бүлөдө бергедээшкinner, орук озал-ондаа дээш оон-даа өске. Уруглар илеткепдеринге шынгыы белеткенин, шинчилел ажылын чорудуп, улуг күштү үндүргени билдингир. I, II, III-күчлерни болгаш мактал шаннал алган уругларның ниити саны 76 кижилер. Ынчангаш бис чүгө I-ги чер алган уругларның даңзызын киридивис.

Иргит Сайлык (№15 лицей, Кызыл), Сергей Ондар (Күрүне лицей), Дмитрий Масленников (Күрүне лицей), Айдын Ховалыг (республиканың эколог-биологтук төвү), Ксения Иконникова (Күрүне лицей), Кежик Монгуш (Аграрлыг лицей), Сайдаш Ооржак (№1 школа, Кызыл), Шенне Ондар (№11 школа, Кызыл), Чыжыргана Оюн (№15 лицей, Кызыл), Чейнеш Шырап (Күрүне лицей), Чочагай Хаваа (Күрүне лицей), Ксения Храменко (Күрүне лицей), Сергей Петроченко (№8 школа, Кызыл), Анастасия Грибас (№1 школа, Туран), Антон Косых (№11 школа, Кызыл), Таяна Брюханова (№5 гимназия, Кызыл).

Урана МОНГУШ.

СТУДЕНТИПЕРДЕН ЭҢ-НЕ, ЭҢ-НЕ ...

Кызыл хоорайның мэриясының спорт болгаш аныяктар политиказының комитети база хоорайның студентилериниң координация чөвүлели “Мисс и мистер студенчества — 2008” деп конкурсту студентилер аразына эрттирген. Аңаа 12 уруг, 12 оол киришкен. “Чидиг демиселдин” түннелинде “Мисс студенчества — 2008” деп атка ТКУ-нун төөгү факультетинин III курузунун студентизи Айлаң Шитикова төлептиг болуп, корона, лента база Диплом, 5000 рубль-биле шаңнаткан. “Вице-мисс-2008” деп атты Кызылдың автоорук техникумунун студентизи Клавдия Камлюк алгаш, лента, Диплом, мобильдиг телефон-биле шаңнаткан.

А оолдардан “Мистер студенчества — 2008” деп атты ТКУ-нун экономика факультетинин I курсчузу Радомир Чинжит чаалап алгаш, Диплом, Кубок, 5000 рубль-биле шаңнаткан. “Вице-мистер-2008” — автоорук техникумунун студентизи Александр Санников болган болгаш Диплом, мобильдиг телефон-биле шаңнаткан.

Конкурс

“ТЫВАНЫҢ АНЫЯКТАРЫНЫҢ” СИМВОЛ — ДЕМДЕКТЕРИН ТУРГУЗАРЫ-БИЛЕ

Февраль 15-те тургустунган республиканың “Тываның аныяктары” хөй-ниити организациязы (Президентизи Шүглүр Доржу) символиказын (эмблема, хөрек демдээ, тук) тургузары-биле конкурсту чарлаан. Конкурса күзедиг-ле кижилер кирип болур болгаш боттарының ажылдарын март 29-ка чедир дараазында адресче чорудар: 667000, Кызыл хоорай, Интернациональная кудумчузу, бажың №3, каб. №1 (тел. 2-35-76).

ТЫВА ТЕАТР — ЯКУТСКИДЕ

Бо хуннерде Тываның

хогжум-шин театрының артисттери акы-дуңма Якут-Саха Республикада чогаалдыкчы аалдаашкыны кылып, боттарының оюн-көргүзүүн якут чоңда бараалгадып турарлар.

Профессионал артисттер биле бир дөмей бичии артисттер Кызылдың №11 ясли-садта чоруп турар Субедей Бады-Сагаан биле №6 ясли-садта чоруп турар Аялга Чамбал олар боттарының уран талантызын бараалгадып, якут көрүкчүлерниң сонуургалын хайныктырып турарлар. Субедей Бады-Сагаан “Хайыраан ботта” Седиптин болгаш “Кым сен, Субедей Маадыр?” деп шинде Субедейнин улуг отгу Уранктайның бичиизинде овурухевирлери, а Аялга Чамбал “Хайыраан ботта” Караның бичиизинде овурухевирин ойнап турар.



Чурукта: Субедей Бады-Сагаан (Седип) биле Аялга Чамбал (Кара) олар.

Бирги республика форуму

ЧОГУУР ДЕҢНЕЛГЕ ЧЕТПЕЙН ТУРАР

“Өөредилге” национал төлөвилел езугаар 2007 чылда республиканың бүгү школаларын Интернетке кошкан. Өөреникчилернин Интернет четкизин шингээдиң ап эгелээнинден бээр ам чартык чыл эрткен.

Чоокта чаа болган Тыва Республиканың өөредилгезин информатизастаарының талазы-биле бирги республика форумунга школаларны интернетчилдер программаны боттандырып турар үеде чедип алдыңган чамдык чедишкinnerни түннөп, четпестерни сайгарып чугаалашкан.

Амгы үеде республика школаларында бир компьютерге-ле 32 өөреникчи онаажып турар (чыл бурунгаар 45 турган), Бай-Хаак, Эрзин, Кызыл-Мажалыктын №1, Хову-Аксы ортумак школаларында компьютер класстарын тулган эки дерзэн.

Информастыг технологияларны эки шингээдиң алган башкылар, специалисттер көдээ школаларда база бар бооп турары өөрүнчүг. Оларга Сүт-Хөл кожуунун Суг-Аксы ортумак школаның информатика башкызы Чечена

Монгуш, Улуг-Хем кожуун чагыргазының өөредилге килдизинин информатизация талазы-биле специализи Надежда Көрген-оол, Тес-Хем кожуунун Чыргалаңды ортумак школаның директору Амур Увангур, Таңды кожуунун Бай-Хаак ортумак школаның информатика башкызы Согун-оол Кыргыс хамааржыр.

Бедик билиг-мергезилдиг специалисттер чогуңдан чамдык школалар Интернет четкизин долу ажыглап шыдавын турар. Информатика башкыларын Тываның күрүне университетинде өөредип турар-даа болза, билин амдаа чогуур деңгелге четпейн турар.

Интернетти долу ажыглап, школачы сайттарны тургузуп турарларын мурнуку одуруунда Тес-Хем, Таңды, Бин-Хем, Каа-Хем кожууннар чоруп турар.

Национал төлөвилелдин грантыларын алган школалар башкыларны билин бедидер курстарже республикадан дашкаар өөредип чоргузуп турар. Республиканың ийи муң чыгыгы башкылары кичээлдеринге амгы үениң чаа информация технологияларын ажыглап турар. Өөредилгениң шынарын экижидер дize үениң маңындан чыдып калбайн, информастыг технологияларны шингээдиң аары чутула дээрзин башкы бүрүзү билип турар. А башкыларга дуза-деткимче көргүзери-биле ТР-ниң өөредилге, эртем база аныяктар политиказының яамызы 2008-2009 чылдарда өөредилгени информатизастаарының планын ажылдап кылган. Ол план езугаар школа бүрүзү вируска удур программа кирип турар программалар пакедин, чаа компьютерлерни алып, башкыларны ТКУ-га билиг бедидер курстарга өөредип.

Адыгжы СААЯ

● Серьезная проблема

Нерешаемых проблем не бывает

Дорогие ребята! Уважаемая редакция! Меня очень волнует будущее нашей страны и нашей малой родины — Тувы.

В последнее время все более участились случаи самоубийства среди детей и подростков. По данным Всемирной организации здоровья, за последние 15 лет число самоубийств в возрастной группе от 15-24 лет увеличилось в 2 раза. По данным республиканского психолого-медико-социального центра "Сайгырал", основные проблемы индивидуальных обращений в 2007 году: суицид — 21 чел., депрессия — 5 чел., нарушения отношений со сверстниками — 31 чел., нарушения отношений с преподавателями — 34 чел., школьные проблемы — 42 чел., нарушения детско-родительских отношений — 38 чел. Как видно из этих данных, подростковые проблемы в основном со сверстниками, также с родителями.

В чем же дело? Почему так? Причины самоубийств множество. Я бы хотела остановиться на одной из главных причин. Это проблемы семьи. По данным статистики утверждается, что "92% случаев суицида в среде подростков спровоцированы школой и семьей". В семьях часто происходят конфликты между родителями, а также родителями и детьми с применением насилия; родители относятся к детям неблагоприятно и даже враждебно. Еще это могут быть экономические проблемы в семье, ранняя потеря родителей или утрата с ними взаимопонимания, болезнь матери, уход из семьи отца. Часто бывает так, что родители не воспринимают детей всерьез. Не видят в них проблемы. От этого подростки чув-

ствуют себя ненужными. И это толкает их на этот страшный поступок. Поэтому очень важно, чтобы родители всегда поддерживали своего ребенка, помогали, согревали любовью и лаской. Уважаемые родители, воспитывайте в ребенке самоуважение: "Я есть в мире, я — ценность". Вот вспомнился один печальный случай, который произошел несколько лет назад в с. Шуурмак. Девочка покончила с собой. Она осталась одна, почувствовала покинутость и незащищенность: тоска по матери, которая умерла два года назад и умершему неделю назад любимому деду, постоянные запой отца, приведшие его в психиатрическую больницу. В свой последний вечер она писала письмо о любимом и дорогим человеком — маме. Ее мысли постоянно возвращались к тем временам, когда в семье все было хорошо. Она писала последний раз, на нескольких листах повторяя одну и ту же строчку: "Закрываю глаза и вижу тебя, мама".

Пойти на самоубийство, когда у тебя за плечами 15-16 лет? Когда жизнь только-только начинается? Это невыносимо. Гладкой жизни без препятствий не бывает. В жизни каждого человека бывают такие периоды, когда над ним сгущается тьма. И, кажется, что никто и ничто не может помочь. Но нерешаемых проблем не бывает. Что бы ни случилось, во всем надо искать просвет. Выход обязательно найдется. И обязательно найдется человек, который выслушает и поддержит.

Ребята, помните, что мы — будущее нашей прекрасной Тувы, что мы цыганы нашей земли!

Шонгалай МОГЕДИР,
учащаяся 11 класса, гимназии
№9 г. Кызыла.

● Психологуг оюн "Бодунну шылга!"

"МЭЭҢ БОТ-ҮНӨЛӨЛИМ" ДЕП ТЕСТ

Эргим өнүк! Бо эрткен темаларда кизи дугайында, оон характери, темпераментизи, бот-үнөлөли дугайында эң-не кол психологуг билиглерни сайгардывыс. Ам дептержигешиңге тестен кылгып көрөм. Ол дээрге кижиниң кандыг-бир психологуг шынарын өөрениринге оон санныг көргүзүлгелерин деңгээри ол.

"Бо кымал?" деп бирги айтырыгга психолог харылаарда баштай психологуг диагнозуң тывар. Диагнозуң салып алгаш, оон кижиниң четпес шынарларын сайзырадып, чединишкиниң ажилдап болур.

Бир дугаарында — хайгаарал. Кижиниң мөзү-шынарын дорт хайгаараары, чогаадыкчы ажилдарын, чагааларын, чуруктарын анализтээр, оюн-

нарга киришкең, рольдарың онзагайын илередири.

Ийи дугаарында — эксперимент хевирлиг. Ол дээрге тускай анкета, чугаа болур. Приборлар ажылдап, психиктиг шынарларны ылгаар. Кизи бодун сайгарып харылаар тестин бир хевирин сонуургап кыл.

Дептержигештин дараазында арынын ажыткаш, демир-үжүүң туткаш, харылапал эгеле.

1) Дараазында сөстөрнү топтап номчааш, 1-ги одуругга "+" эки, төлөптүг, алыс күзөлдүң сөстөрнү ушта биж. А ийиги одуругга четпес, багай демдектерни илередир "-"

2) Ийиги этапта бирги одуругдан болгаш ийиги одуругдан силерниң бот мөзү-шынарларыңар илередир сөстөрнү ушта аңгы-

Февраль 14 — Ыдыктыг Валентин, Бүгү делегейниң ынакшааннар хүнү. Чанчылчааны-биле бистин Самагалдайның бир дугаар ортумамак школазынга "Ынакшааннар хүнү" 8-11 класстарның өөреникчилериниң аразынга эрттирген. Ол хүннү бо чылын дыка солун кылдыр организаастааны өөрүнчүг.

Бистин клазывыста ниитизи-биле 14 өөреникчи өөренип турар. Клазывыс башкызын Ондар Марина Санаевна дээр. Ол орус дыл болгаш чогаал эртемнериниң башкызы. Башкывыс бодунун сургуулдары дээш кылып, барла кужун бисче үндүрүп чоруур. Бис база башкывыстың кужун үнелеп, аңаа деткимчени берип чоруур бис. Башкывыстың түр када өөренип чорукканы-биле оон орунга кезек үе иштинде технология башкызы Соян Отчугаш Александровичиге бистин классты карактап көөрү-биле хүлээткен.

Отчугаш Александрович кожуунун төп ном саңының номчулга залының библиотекары Сайзана Вячеславовна Чоодуну чалап алгаш, бистин клазывыска Ыдыктыг Валентин хүнүңге тураскааткан "Ынакшыл — кижиниң сагыш сеткилинин эң-не дээди миннишкини" деп темалыг дыка солун класстагы бистерге эрттирип берген.

Ынакшыл ... Чеченчи-

дип чугаалаарга, чалыс назынның чазы, амыды-



ралдың эгези болганда, бо тема биске дыка сонуурганчыг болган.

Сайзана Вячеславовна бо чараш байырпал каян, кая тывылганын, янзы-бүрү язысөөк чоннар бо байырпалды канчаар уткуп турарын, "Валентинкалар" чүңү оштап, чугаалап турарын биске таныштырып берген. Оон солун оюн "викторинаны" биске ойнаткан. Ынакшыл дугайында бистин-биле ажыткажыт чокка чугаа кылганының соонда "Ийи чуректин чалбыжы" деп оюнну ойнатты. Аңаа ийи оол — Лопсан Артыш биле Чүлдүм Аян, ийи уруг — Соян Айгуля биле Кара-оол Айдысмаа кириштилер. Тиилекчилер Аян биле Айдысмаа болганнар. Эң сөө-

лүнде Сайзана Вячеславовна бистерге байыр чедирген, чүрек дүрзүлүг, шоколадтың печеньеелерни белек кылдыр бодун класка сөңгөз.

Ол хүн школавыска эрткен темалыг кезежге чалалга — "Валентинкаларны" биске тараткан. Ол кезежге кадый ойнап-хөглээр экинчи чалалга-биле тып аар болду. Школань класстан дашкаар ажилдар организатору Мира Далар-ооловна Барунова биле англи дыл башкызы Хеймерек Петровна кезежге байыр чедирип, конкурстун башкарыкчылары болду. "Янзы-бүрү чоннарың ынакшылы" деп оюнта уруглар, оолдар хөлчөк солун ойнадылар. Ылангы 11 класстан Соян Айгуля, Уйнукай-оол Алдынай, Куулар Айдана, Кара-оол Айдысмаа, 10 класстан Шанмак-оол Белек, Куулар Менге, Ооржак Чаян, Сагар Сайзана, Менди Өлчей, 9 класстан Кежик-оол Херела, Сепил Чаштанчы, 8 класкылардан Салчак Орлан, Сүктер Артыш олар эң идеялиги киришкеннер. Оюннун түнелинде тиилекчилер Шанмак-оол Белек (10 кл), Соян Айгуля (11 кл) болдулар. Шаңнал кылдыр меерейин киришкендерге шоколадтар, блокноттарын башкылар сөңгөзөннер. Кезежте дургу танылап, ойнап-хөглөдүм.

Алдыннай УЙНУКАЙ-ООЛ,
11 класс, Самагалдайның
№1 ортумамак школы.

сөстөрнү ниити санын бодунга хамааржыр "+" сөстөрнү санын үлээр. База "-" одуругда сөстөрнү ниити санын бодунга хамааржыр "-" сөстөрнү санынга үлээр.

Харызы "+" одуругта 1 деп санга чоок болза, бодуңарны шала хөөредип, бот-шүгүмчүлөк кылбайн турарыңарны, а "-" одуругта 1 деп санга чоок сан үнерге, бодуңарны чедир үнелевейн турарыңарны көргүзөр. Бир эвес "+" хары 0 (тикке) чоок болза, чедир үнелевейн турарыңарны, а "-" хары хөөредип турарыңар ол. Норма = 0,5. Нормада сан-биле дүүшкен болза, силер боттарыңарны шынарларыңар хөөретпейн база боттарыңарны шүгүмчүлөлдүг ап чорууруңарны көргүзөр.

Улуска канчаар көстүрүнчү дүвүрөөң сен бе? Үргүлчү көрүнчүктенир сен бе? Мени улус сонуургаар

ирги бе деп сестир сен бе?

Бир эвес бо айтырыглар сени дүвүредип, хей улус чымылган черже барыксава болзунза, бодуңа хөңүк чок болганың ол. Ынчангаш бодуңуң күзөлдериңиң чедип алыры сенз берге болур.

Бир эвес сеткил-хөөнүң чамдык хүннерде эки, чамдыкта багай болза, аажы-чаңың дыка дүрген өскөрүлүп турар болганың ол.

Бир эвес бодун дугайында дүвүрөөң, "бой-дустан чаяган мага-бодумну, темпераментини, салым-чаяаныңны сайзырадың" деп бодап чоруур болзунза, байыр чедирей!

Аас-кежикче орууң ажыктыр.

Доолга.
Эрткен неделяларда сээң-биле кандыг солун болгаш чугула болуушкуннар болду, биж.
Саяна ДАРГЫЙ-ООЛ,
психолог




Уруглар чогаалчызы Л.Б.Чадамбаның 90 харлаанынга

ӨӨРЕДИГЛИГ ЧОГААЛДАРЫ САЛГАЛДАРГА АРТЫП КАПЫР

Тыва уруглар чогаалының үндөзлекчилеринин бирээни, эң баштайгы "Ужугледдин", "Тыва дыл", "Төрөөн чугаа" деп өөредилге номнарының автору, чогаалчы Леонид Борандаевич Чадамба бистиң аравыска чораан болза бөгүн, март 18-те 90 харлаар турган ийик.

Чогаалчының бижээн чогаалдары каш-каш салгалдарны эки чүүлдерге кижизидип турар. Ам чогаалчының допчу намдары болгаш чамдык чогаалдары-биле таныжып көөлүнер, уруглар.



Төгүүлүг чурук. Эрткен чүс чылдың 80 чылдары. Леонид Борандаевич Чадамба (оң талазындан ийи дугаары) Тываның бөлүк чогаалчылары-биле В. Көк-оол аттыг хөгжүм-шин театрынга болган учуражылга үезинде

Леонид Борандаевич Чадамба 1918 чылдың март 18-те Танды-Тываның Гожу кожуунунун Хоң-Шөл деп черге төрүттүнгөн.

1927-1929 чылдарда баштай моол бижикти, 1930-1931 чылдарда чаа тыва бижикти Кызылга түр курстарга өөренип алган. 1937 чылда өөредилге ком-
миссиян 1955 чылда Тыва областың совет-партия школазын дооскан.

12 харлыындан эгелеп бичин уругларны, улуг улусту чаа тыва бижикке өөредип турган. Ол бодунун үезинде Кара-Хаак

эге школазының дирек-торунга, Чырыдышкын яамызының эртем-мето-диктиг кабинетинин удур-тукчузунга, Эртем комите-динин даргазынга, Тыва-ның дыл, литература бол-гаш төөгүнүн эртем-шин-чилел институтунун дирек-торунга, Тыва АССР-нин культура сайыдынга ажил-дап чораан.

1940 чылдарның төн-чүзүндө Тыва школалар-ның өөредилге номнарын белеткээринге болгаш үн-дүренинге улуг үлүүн кири-ген. "Терекчигеш" деп баштайгы шүлүүн 1933

чылда парлаткан. Чогаал ажылыңче 1941 чылда кир-ген. "Аас-кежик" (1952), "Ак-көк хемнер" (1966), "Салгалдар" (1968), "Иви-жилер" (1972), "Чыныды чогаалдар" (1978), "Аян-чорук" (1980), "Аныяк өңнүктөрүмге" (1987) деп шүлүк болгаш проза номнарының автору. Оон чогаалдары ССРЭ-нин болгаш даштыкының 13 дылыңче очулдуртунган. И. Крыловтун басняларын, Н. Некрасовтун "Топты-гин генералын", "Мазай кырган-ачай биле койгун-нарын" болгаш өске-даа

чогаалдары ол тыва дыл-че очулдурган.

Чогаалчы ак сеткил-диг ажылы дээш ТАР, Ле-нин, Күш-ажылдың Кызыл Тук орденнери-биле бол-гаш медальдар-биле шаң-наткан. ССРЭ-нин Дээди Совединин депутатынга 3 удаа сонгудуп чораан. Тыва АССР-нин культу-разының алдарлыг ажилдак-чызы.

Чогаалчының ады Тываның төөгүзүндө кири бижиттинген.

1987 чылдың апрель 24-те мөчөөн.

АВАЙ, АЧАЙ

Ааттыңган кавайымдан
Адаар сөзүм — авай, ачай
Авай-авай — ынак сөзүм.
Ачай-ачай — чоргаар сөзүм

Чайгап, аадып өстүргештин,
Чагып сөглээн авам сөзү:
Чассыг болба — эрес чору,
Чалгаа болба — ажилгыр чор.

Ачам, авам азырап каар
Амыр, чоргаар доругар мен.
Акым-биле, өөрүм-биле
Ада-чуртка бараан боор мен.

НОМНУ
КАНЧААР
ЭДИПЭЭРИП

Эки-бакты ылгап айтыр
Эртем-угаан номувусту
Элетпейн, кызып камна
Эчизинге чедир номна.
Саазыннар тудуш чорза

Салааң-биле ора тыртпа.
Артын-иштин шокарлава!
Арыг-шевер кадагала!
Будук, хирге бораштырба,
Будуң азын сыга бербе!

ЭРТЕН

Солаңгылыг алдын херел
Сонга өттүр согунналган.
— Дашкаар үнүп көрөм, оол!
— деп
Далаштырып чалап келген.

Оттуп келгеш, эзеп-херлип,
Орнун кагбайн олурган оол
Ол дег дүргөн үнө халааш,
Онгаар-дескээр харап турган

Ээ-ча шаваа, экизин аар!
Эртен эрте чаагайы аар!
Эзир ышкаш чүгүлү болза,
Эргий ужуп турзумза аар!

Ада-ие, акы-дуңма
Ажыл-ишче далашкылаан.
Ыры-шоору динмиттелген
Ындынныг-ла чүве турган.

Амыдырал хайны берген —
Амыранчыын кандыг дээрли!
Огородун сугтарар дээш
Оол-даа база ыңай болган.

МАЙНЫҢ БИРИ

Аас-кежик, ажыл-ишти,
Акы-дуңма найыралды,
Маадырлыг тайбың ырын.
Майның бири, улам ырла!

Ада-чуртту шыва алган,
Алдын хүнү чайыналган
Аас-кежин ам-даа алга,
Ажыл-ишчи алдарлыг ай!

БИЧИИ ЛЕНА



Авазы, ачазы-даа
Акылары, угбалары,
Ажыл-ишчи
Уруувус дээр.

Бистиң Лена
Бичии Лена
Биргиклассчы
Болу берген.

Бирги кичээл
Эрткен соонда
Бистиң Лена
Чанып келиди.

Эгиш-биле
Хөөрөп турган:
— Школамны
доозуп кааттым
Ынчангаштын
дораан чандым.

СЫЛДЫСТАРНЫҢ ЧАРАШТАРЫН

Дүндергейиниң дүвүн шыгаан,
Түмөн сылдыс шимеңээрин,
Дүнекиниң оожургалын
Дүүредип турганнын.

Октаргайның сылдыстарын
Орук айтып турганнын,
Орай дүне мээң-биле
Оюн эреп турганнын.

Каптагайның сылдыстарын
Катгыраңнап турганнын
Ха-ла дунма бистердиге
Карак басып турганнын.

Сылдыстарның чараштарын
Сымыранчып турганнын.
Чырык-буян херелдерин
Шывай тудуп турганнын.

Ажыл дээрге,
Айым дивес.
Авазынга
Дузалажыр.

Чечектерин
Сугарар-даа,
Чечен чугаа
Чугаалаар-даа.

Аяк-сава
Чугжу кааштар,
Арыг-силиг,
Чурумнуг-даа.

Бажың иштин
Шевер эдер,
Багай диртип
Черле көрбөөн.





БЕРГЕЛЕРГЕ ТОРУЛБААН ИЕ

Маргарита Дугаржаповна ШОЙДАК 1958 чылдың март 24-те Таңды кожунунун Элегест суурунга төрүттүнгөн. Школада чылдарында-ла уран чүүлге ынак, янзы-бүрү көрүндөлөрүнүн идепкейлиг киржикчизиг турган.

Ол Кызылдың башкы институтун дооскаш, Ак-Тал ортумак школазынга тыва дыл болгаш чогаал башкызы болуп ажилдап эгелээн. Өөреникчилерни төрөөн дилынга ынак болурунга ханы кижизидип, сонугаргалдыг уруглар ортузунга чогаал бижирининг эте билгилерин өөрөдип, тускай болгунму ажадып алгаш, "Сылдысчыгаш"

уруглар солуну-биле сырый харылзаалыг ажилдап келген. Амгы үеде Өвүр кожунунун Ак-Чыраа ортумак школазында тыва дыл, орус дыл башкызы болуп ажилдап чоруур.

Маргарита Дугаржаповна кадыг-бергелерге торулбас, бижыг туса-сорукут, буругаар көрүштүг энэрелдиг ие. Ол 3 огуун ажил-ишке ынак, эки кижилер кылдыр доруктуруп өстүргөн.

Чөжөмөйүнн чымыштыг ажил-иш турза-даа, ол хостуг үезинде шүлүктөр бижирингө сундулуг. Бөгүнгү үндүрүлгөдө энэрелдиг аваның уругларынга бижээн ийн шүлүүн чырыттывыс.

• Маргарита ШОЙДАК

ОГЛУМГА ЧАГЫЫМ

Авазының хеймер оглу-
Шойдак Чимис Гастелловичиге

Өргөмчөйгө, кодааныңга кээрнде,
«Өзүн сыптаан» алаң солуп, чедип келдин.
Кара чааскаан өпей ырым сенээ ырлап,
Карангының соок дүнүн эртип чордум.

Өршээл болуп аактадып ыглаваан сен.
Өске-даа бол кээргээчел иелер эеп,
Слай тудар дамды сүт чок багай аваң,
Сагыш-чүрээң кажанда-даа кергетпээң сен.

Өпей ырын дыннай сал-ла, караан хоюп,
Өске «аваң» көвей сүттүг эмиин салбайн,
Ынчалза-даа аваң холу дээптерге,
Ылым-чылым шөлөөң удуп өзүп келдин.

Бузут бүргээң өлүм ачаң апларза-даа,
Буян бүргээң он беш ава оглу-дур сен.
Чангыс эмг кады эмген төрөөнөрлиг
Чаагай чолдуг, соруун куштуг оол-дур сен.

Чангыс таң эм кажанда-даа ишпээң болгаш,
Чарнын калбак, хөрээң делгем мөгө-дир сен.

Төл-кежик, мал-кежик сенде бар-дыр.
Төөгүнү, төрөл бөлүүн адын бода!

Туматтарың алдар-соруун бедик тудуп,
Тура душпейи, хурежап чор, ажилдап чор.
Арыг чүрээң ханызыңдан шилип алган
Аныяк чаш эжиң биле кызың бода.

Араганы улут чем деп хундулеп чор.
Артык дашка аазы удуг, ону утпа!
Чартык чүс чыл чурттап келген
аваң безин
Чаңгыс дашка «оттут сугну»
көдүрбээң мен.

Аныянда «аыттаныпкан» ачаң чоктап,
Ажыг-шүжүм мурнум орта
туттунмаан мен.
Ожуктун үш дажы ышкыш силерин дээш
Оруум дилеп, ужа-тура чуткуп каан мен.

Чүрек аартыр көвей чагыг сыгаваан мен.
Чүгле, чаңгыс чүрээм эзэн ыдык
чагыым —

«Оттут, оптуг арага» деп ажыг сугдан
Ояктадып, ырак чоруп көрөм, оглум.

ӨЛЗЕЙ-КАРАМ

Часыг оглум Чимистин база энэрелдиг керним
Сыйлаан Семеновнаң чаптанчыг кызы — Өлзейге

Өргөмчөйде буян-чолдун ыдык демдээ,
Өөрүшкүмнү хайындырар — алдын чечээм.
Өпейленчээр хензиг кызым, өпей-өпей,
Өлзей-Карам, Өлзей-Карам — хензиг кызым.

Өпей-өпей, өпейленим, Өлзей-Карам.
Өпей-өпей, өпей-өпей — хензиг кызым.

Өрү дээрде айыраннаан сылдыстыгда,
Өңгүр чараш чечектерлиг чайгы өйде,
Өпейленчээр дунгуш кызым, өпей-өпей,
Өлзей-Карам, Өлзей-Карам — дунгуш кызым.

Өпей-өпей, өпейленим, Өлзей-Карам.
Өпей-өпей, өпей-өпей — дунгуш кызым.

Өзүп-мандып, атпачайнып, давыгылаар,
Өзүм-баарым эде суйбап, шулуннап кээр.
Өпейленчээр бопун кызым, өпей-өпей,
Өлзей-Карам, Өлзей-Карам — бопун кызым.

Өпей-өпей, өпейленим, Өлзей-Карам.
Өпей-өпей, өпей-өпей — бопун кызым.

Өгбелериниң чаңчылдарын ханы билдир,
Өрөмелиг сүттүг шайын өргүп орап.
Өпейленчээр, өстүргөним — өпей-өпей,
Өлзей-Карам, Өлзей-Карам — чоргаар кызым.

Өпей-өпей, өпейленим, Өлзей-Карам.
Өпей-өпей, өпей-өпей — чоргаар кызым.

СӨТКИНИВИС ХАНЫЗЫНДАН

Бистин эргим ынак
ававыс Шойдак Маргарита
Дугаржаповна март 24-те
50 харлаар. Ававыска каң
дег кадыкшылды, аас-
кежикти, ажил-ижинге
чогаадыкчы чедишкин-
нерни күзөвишаан, ам-даа
хөй чылдарда бистин чаны-
выска өөрүшкүвүс, чөлөн-
гичивис, чоргааралывыс
болуп чоруурун сеткинивис
ханызындан күзөдүм.

Уруглары Чинчи, Азнад
ДОЛААННАР, Чингис,
Шөңнө, Чимис, Сайзаана,
Угулза.

Үймуктары Алдын-Сай,
Өлзеймаа.

• Төрөөн черим бойдузу



“Чараш-тыр сен, маргыш чок-тур!”

Ураанза ООРЖАКТЫН тырттырган чуруу. Сүт-Хө
кожуунунун Хөр-Тайга школазының 7-ги класының
өөреникчизи.



“Мөңгүн-Тайганың делгемнери”

Амыр-Санаа СААЯНЫН тырттырган туруу. Мөңгү
Тайга кожунунун Мугур-Аксының №1 школазының 11-
класының өөреникчизи.

Уругларның болгаш элээдилериниң турбизм төвү

2008 чылдың март 25-26 хүнеринде “Музей болгаш
уруглар” деп республика неделязын эрттирер. Аңаа
боттарының фондузунда болгаш экспозициясында дайын
төөгүзүнүң дугайында материалдарлыг школа музейле-
рининг активчилери болгаш башкылары киржир. “Музей
болгаш уруглар” деп республика неделязының програм-
мазынче дараазында мөөрейлер кирип турар:

1. “Чемоданда музей” деп экспозиционерлер мөөрейи.
2. “Мээң музейимде дайын төөгүзү” деп экскурсовод-
тар мөөрейи.
3. Менеджерлер мөөрейи.
4. Чогаадыкчы мөөрейи.

“Музей болгаш уруглар” деп неделязын көп
сорулгазы — өөрөдиге черлериниң музейлеринге
дилээр, тывар, шинчилээр ажилдарны сайзырадыры
болгаш оон хевирлерин чаартыры болур.

Тыппааннарга харыы

Март 4-те үнгөн №9 “Сылдысчыгашта” чайвордтун харыы
1. Ава. 2. Ача. 3. Акша. 4. Астра. 5. Арыя. 6. Япония. 7. Яамы. 8. Ыт.
9. Терешкова. 10. Аржыыл. 11. Ландыш. 12. Шойгу. 13. Улаачы. 14. Ыскак.
15. Торгу. 16. Угбашкылар. 17. Режиссер. 18. Роза. 19. Аяк. 20. Кожумак.
21. Келин. 22. Намдар.

“СЫЛДЫСЧЫГАШ”

“Океан-97” Бүгү Россия
фестивалының дипломантызы.
“Чоңар-лаш-2004” республика конкурсуунуң лауреады. Рос-
сияның Журналистер Эвселениинг дипломантызы.

Тургузукчулары: Тыва Республиканың
парлаага болгаш ин-
формация талызы-биле күрүнө комитеди. Тыва
Республиканың инити болгаш профессионал
өөредилге-ямыгы.

Кол редактор Александр ШОЮН

✉ Редакцияның адреси: 667000, Тыва Республика,
Кызыл, Красноярская кудумчузу, 100. Парлаа-
га бажыцы. 4-кү каат, кабинеттер 75, 76, 77, 79.

Индекс 10013.

Тираж 3821 экз.

Чагыг №140.

Россия Федерациязының Парлаага, телерадиоам-
чыдылга болгаш массалыг коммуникация херектериниң
талызы-биле аямының Ортаагы Сибирьде регионнар
арлының девискээр эргелели “Сылдысчыгаш” солуну
бүртүктөн. Херекчелери — Т-00015.

Солуну ТР-иниң “Тывааппыг” курунениң унитарлыг
бүдүрүлгөсүнө парлаан. (Кызыл, Шеткинни-Кравченко, 1)
Парлаагаже дужайры: график сүзгүр понделынкте

ФАКС 8(394) 22-2-06-17. Телефонныры: Кол
редакторуң — 2-06-17. Секретарь — 3-17-00.
Килдистер — 3-17-87. Бухгалтерияның — 3-17-90.

10 шикта. Херек кырында понделынкте 9,00 шикта.
Редакция бижимел чуулдарга, тырттыргаш, чур-
раан чуруктарга, шүлдүк болгаш проза чогаалдары-
га сайгарылга кылбас болгаш оларны элдеринге делдир
эргилес, авторлар-биле чыгаадыкчыла алурутас.
Солуну РФ-тиң парлаага болгаш массалыг
коммуникация херектериниң талазы-биле Аген-
тилериниң деткимчези-биле үндүрүп турар.